

समा. 09.20 Hrs

Headlines

- प्रधानमंत्री नरेन्द्र मोदी हों “राष्ट्रीय एकता दिवस” सरबन्धी कार्यक्रम च हिस्सा लैता ते गुजरात दे एकता नगर च सरदार पटेल हों गी श्रद्धांजलि भेंट कीती।
- उपराज्यपाल मनोज सिन्हा हों “राष्ट्रीय एकता दिवस” दे तौर पर मनाई जा रदी सरदार पटेल हुंदी 150मीं जयंति पर उनेंगी श्रद्धांजलि भेंट कीती।
- उपराज्यपाल हों जम्मू कश्मीर दे गृह विभाग गी स्यालै आहली रुतै दौरान श्रीनगर ते जम्मू दौनें थाहरें थवां कम्म करने दे निर्देश जारी कीते।
- उपमुख्यमंत्री सुरेन्द्र चौधरी हों आखेया जे सरकार समृद्ध कला सरबन्धी संस्कृति ते हुनरमंद दस्तकारें दे आर्थिक सशक्तिकरण गी बढ़ावा देने लेई वचनबद्ध।
- महिला विश्व कप क्रिकेट 2025 च भारत नै इक बड्डे लक्ष्य गी हासिल करियै फाईनल च अपनी थाहर बनाई ऐ।

PM- Modi Sardar Patel

प्रधानमंत्री नरेन्द्र मोदी हों अज्ज बड्डलै गुजरात दे एकता नगर च भारत दे लौह पुरुश सरदार
वल्लभ भाई पटेल हुं दी 150मीं जयंती दे मौके उप्पर राश्ट्री एकता दिवस आहले समारोहें दी
अगुवाई कीती।

प्रधानमंत्री होरें इस मौके पर सबनें शा पैहले स्टैचु ऑफ युनिटी पर पुशपांजलि अर्पित कीती। इस सरबंधे च एकता दिवस आहली इक बड़ी भव्य परेड दा बी आयोजन कीता गेआ जेहदे च राष्ट्र दी ताकत ते एकता दा शानदार प्रदर्शन कीता गेआ। इस मौके उप्पर बी.एस.एफ, सी.आर.पी.एफ ते होरनें पुलस बलें दिएं टुकड़िएं आसेआ दलेरी दा प्रदर्शन कीता गेआ। इस ब'रे एह कार्यक्रम मता खास रेहा कीजे ऐगती राष्ट्र एकता परेड दा आयोजन गणतंत्र दिवस दी तर्ज उप्पर गै कीता गेआ ऐ।

<><><><><><>

LG- Ekta Diwas

लेफ्टिनेंट गवर्नर मनोज सिन्हा होरें भारत दे लौह पुरुष सरदार वल्लभ भाई पटेल होरें'गी उं'दी 150मीं जयंती पर अज्ज श्रद्धांजलि अर्पित कीती। अपने इक संदेस च एल.जी होरें आखेआ ऐ जे राष्ट्री एकता दिवस दे इस ध्याड़े पर ओह सरदार वल्लभ भाई पटेल होरें'गी उं'दी जयंती पर नमन करदे न ते कन्नै इस गल्लै दी मेद बी करा'रदे न जे एह ध्याड़ा रमानदारी ते इकजुटता दी भावना गी होर मजबूती देग। उ'नें आखेआ जे सरदार पटेल होर राष्ट्री एकता दे वास्तुकार ते राष्ट्र भक्ति दे कन्नो-कन्नी एकता ते अखंडता दी मूरत बी ऐ हे। श्री सिन्हा होरें आखेआ ऐ जे सरदार पटेल हुं'दे मजबूत वचनबद्धता ने गै इक आधुनिक भारत दी मजबूत बुनियाद रक्खी ही ते असें सबनें गी लोड़चदा ऐ जे अस उं'दे विचारें गी अपनांदे होई एकता दी भावना गी मजबूती देचै कीजे ईआं करना गै सरदार पटेल होरें'गी सच्ची श्रद्धांजलि होग।

<><><><><><>

Prog Announcement

आकाशवाणी जम्मू दे क्षेत्रीय समाचार एकांश आसेआ “राष्ट्री एकता दिवस” बारे अज्ज 25एं मिन्टे दी इक बशेश परिचर्चा प्रसारित कीती जा’रदी ऐ। इस कार्यक्रम दा प्रसारण हुनै शा किश चिरै मगरा ठीक साइदे 9 बजे कीता जाहग। इस कार्यक्रम च सादे परौहने होडन गांधी ग्लोबल फैमिली जम्मू-कश्मीर दे प्रमुख ते पद्मश्री कन्नै सम्मानित श्री एस.पी. वर्मा जेड़े इस विशे पर अपने माहिराना बचार सांझे करडन। उं’दे कन्नै गल्लबात समाचार कक्ष थमां विजय बजाज आसेआ कीती जाहग। इस कार्यक्रम गी तुस आकाशवाणी जम्मू पर मीडियम वेव 303 मीटर यानि 990 किलोहर्ट्ज़ ते एफएम 100.3 मैगाहर्ट्ज़ पर सुनी सकदे ओ।

<><><><><><>

LG- Home Deptt.

जम्मू-कश्मीर सरकारै औन्दी स्यालै आहली रुतै दौरान गृह मैहकमे गी निर्देश जारी कीता ऐ जे ओह श्रीनगर ते जम्मू दौने थाहरें थवां कन्नो-कन्नी कम्म करै। सरकारी आदेश मूजब एदे च पुलस मुख्यालय- जेलें सरबन्धी मुख्यालय- Home Guards, सिविल डिफेंस ते एस.डी.आर.एफ., अभिभोजन निदेशालय-सबूतें ते तथ्यें दी जांच सरबन्धी Forensic Science Laboratory, सैनिक कल्याण ते होर दुए सरबन्धी दफ्तर शामिल न। मैहकमे दे प्रमुखें गी आखेया गया ऐ जे ओह दौनें थाहरें पर अमले दी उपलब्धता यकीनी बनान।

<><><><><><>

LG Dogra Samaj

डोगरा समाज ट्रस्ट मुंबई दे इक डेलीगेशनने अपने प्रधान कृष्णा पंडित हुंदी अध्यक्षता च कल लेफ्टिनेंट गवर्नर मनोज सिन्हा हुंदे नै मलाटी कीती। इस डेलीगेशन च फिल्म कलाकार मुकेश रिशि ते प्रीति सप्रू हुंदे अलावा ट्रस्ट दे उप-प्रधान गगन मल्होत्रा ते होर बी औहद्धेदार शामिल हे। इस मौके पर उंने मुंबई च डोगरा भवन दी स्थापना बारे एल.जी हुंदे नै चर्चा कीती। तजवीज़ कीता गेदा एह डोगरा भवन, मुंबई च रवा'रदे डोगरा समुदाय दे सदस्ये लेई सांस्कृतिक, शैक्षणिक ते कल्याणकारी केन्द्र दे तौर उप्पर कम्म करग। डेलीगेशन दे सदस्ये जम्मू-कश्मीर च बपार-कारोबार, सैलसफा ते फिल्में सरबन्धी गतिविधिं गी बढावा देने मतल्लक केई सारे विशे बी एलजी हुंदे अगगे रक्खे।

<><><><><><>

Dy. CM –Artisans

उपमुख्यमंत्री सुरिंदर चौधरी होरे कल श्रीनगर दे ऐतिहासिक पोलो व्यु बजारै च सोलफुल कश्मीर नांs दे प्रतिष्ठित अभियान तैहत अपने कारीगरें गी जानो नांs दी श्रृंखला दे त्रीये संस्करण गी शुरू करोआया। इस मौके पर बोलदे होई उपमुख्यमंत्री होरे इस पैहलकदमी दे महत्व पर लोs पाई ते आखेआ जे इयै नेह कार्यक्रम, सरकार दे उस मजबूत धेइये गी दर्शादे न जिंदे राहें जम्मू-कश्मीर गी आलमी सतह पर प्रदर्शित करने, ते साढ़े हुनरमंद कारीगरें गी आर्थिक तौर पर सशक्त बनांदे होई कारीगरें सरबन्धी साढ़ी समृद्ध विरासत दे संरक्षण दे जतन

बी कीते जा'रदे न। इस मौके पर पत्रकारें कन्नै गल्ल करदे होई उपमुख्यमंत्री सुरिंदर चौधरी होरें आखेआ

तोआई दस्तकारिएं ते हत्थखड्डिएं सरबन्धी मैहकमे दे डरेक्टर मुसरत ज़िआ होरें इस कार्यक्रम दे बारे च होर ब्यौरे सांझो करदे होई आखेआ

<><><><><><>

CJI Appointed

न्यांमूर्ति सूर्याकांत होर भारत दे 53में प्रधान न्यायधीश होगन। ओह 24 नवम्बर गी अपना ओहदा संभालगन ते 16 महीने दा उन्दा कार्यकाल होग। ओह केई सारे ऐतिहासिक फैसले जियां जम्मू-कश्मीर थवां दफा 370 गी हटाना- बिहार च मतदाता सूचियें दी विशेष नजरसानी सरबन्धी मामले ते लिंग दे आधार पर बरोबरी आहले मामले कन्नै जुड़े दे हे। उन्दा कार्यकाल 9 फरवरी 2027 गी पूरा होग जिसलै ओह 65एं बरे दे होई जागन।

<><><><><><>

CS Edu. Deptt. Review

मुख्य सचिव अटल डुल्लु होरें शिक्षा मैहकमे दी इक व्यापक जायजा बैठक लाई तां जे पढ़ाई-लिखाई ते सिखने आहली पूरी प्रक्रिया दी प्रगति दा जायजा लैता जाई सकै। इस दौरान ढांचागत विकास ते जम्मू-कश्मीर च शिक्षा सरबन्धी सरिस्ते च बदलाव दे मकसद कन्नै तकनीकी आधार आहले बदलावें पर बी चर्चा होई। इस बैठक दा मकसद शिक्षा सरिस्ते गी बेहतर बनाना ऐ- मुख्य सचिव होरें पैहले सोयां तय लक्ष्यें ते समं-सिर उनेंगी हासिल करने पर जोर पाया।

उनें एदे लेई मैहकमे गी लम्मी अवधि आहली योजना तयार करने लेई बी आखेया। उनें विद्या समीक्षा केन्द्र तैहत सारे तकनीकी जत्नें गी तेजिया कन्नै पूरा करने पर जोर पाया तां जे तय कीते गेदे लक्ष्यें गी हासिल कीता जाई सकै।

<><><><><><>

WWC

आई.सी.सी. महिला इक दिवसीय विश्व कप दे फाईनल च भारत नै प्रवेश करी लैता ऐ। भारत नै कल राती नवी मुम्बई स्थित डाक्टर D.Y. Patil Sports अकैडमी च खेड्डे गेदे सैमिफाईनल च आस्ट्रेलिया गी 5 विकेटें कन्नै हराया। 3 सौ उनताली रन्ज दे लक्ष्य दा पिच्छा करदे होई भारत नै 5 विकेटां बाकी रौहदे गै लक्ष्य हासल करी लैता। जेमिमा रोडिग्स नै 134 गेदें पर नाबाद 127 रन्ज दी शानदार पारी खेड्डी। उनेंगी Player of the Match घोषित कीता गया। हुन 2 नवम्बर गी भारत दा मुकाबला दक्खन अफ्रीका कन्नै होग।

<><><><><><>

Ekta Diwas

राश्ट्री एकता दिवस दे मौके उप्पर किशतवाड़ जिला प्रशासन आसेआ पुलस मैहकमे दे सैहयोग कन्नै अज्ज बड्डलै कुलीद चौक थमां लेइयै नाका बेरवार तोहड़ी एकता द्रौड़ दा आयोजन कीता गेआ। इस मौके उप्पर जिला पुलस लाईन्स किशतवाड़ च सांझे तौर उप्पर गै इक मार्च पास्ट ते सगंध चुक्कने आहले समारोह दा सरिस्ता बी कीता जा'रदा ऐ।

सेहत ते आयूष मैहकमें गी निर्देश दिता गेआ ऐ जे ओह् सेहत ते मेडिकल जांच आहले कैंप आयोजित करन जिसलै के ग्रामीण विकास विभाग गी एह् जिम्मेदारी दिती गई ऐ जे ओह् जिले च सबनें 75 अमृत सरोवरें कश साफ-सफाई आहले अभियान चलाग। इस सरबंथै च आकाशवाणी समाचार कन्ने गल्ल करदे होई किशतवाड़ दे एसएसपी नरेश सिंह होरें आखेआ.....

<><><><><><>